



17824

kal. komp.

I Mag. St. Dr.

P

arbitrarius

Tulikowski *arbitrarius*; Lani superstitio in ma-  
nere parentali d. Martiani n. Chetm  
Chetmoki Sidor

PANEG. et VITAE

Polon. 4<sup>o</sup>N<sup>o</sup>. 97.



Biblioteka Jagiellońska



stdr0002989

S

D

Suc

M.

L



L A V S  
S V P E R S T E S

J N

Munere Parentali

*Magnifici Domini,*

D. MARTIANI

à C H E Ł M

C H E Ł M S K I

S C I B O R

Succamerarij Generalis Palatinatus Cracou.  
Wielicień. Bochnień. Ryczyuolień. Vsti-  
eń. &c. Capitanei, Aulici S. R. M.

A

M. NICOLA O S V L I K O W S K I Coll.

*Minore Ordin. Eloquentiæ Professore*

GLORIOSÆ MEMORIÆ.

Liberalissimi Patroni Collegij Minoris Academici

C O N S E C R A T A.

---

C R A C O V I Æ,

*in Officina Christophori Schedelij, S. R. M. Typog. A. D. 1641.*

*Lauda post mortem, magnifica post Consum-  
mationem, duplici tamen ex causa, utilius est ho-  
mini memoria laudem dare, quam vitæ ut illo po-  
tissimum tempore merita sanitatis extollas, quan-  
do nec laudantem adulatio mouet, nec laudatum  
tentat elatio. Lauda ergo post pericula, prædica  
securum, Lauda nauigantis felicitatem sed cum  
peruenerit ad portum, Lauda Ducis virtutem  
sed cum perductus est, ad triumphum Quis autem  
diues possit sine trepidatione laudari, qui & de  
præterito meminit se habere quod doleat, & de fu-  
turo videt sibi superesse quod timeat. D. Ambros.  
in Natali S. Eusebij.*

178245  
BIBLIOTH. UNIV.



JAGELLONICAE

Librariae Patroni Collegij Minoris Academiæ  
GONSECRATA

C. R. A. C. O. N. I. A.

in Collegio Minoris Academiæ





# L A V S SVPERSTES.



N Academiâ Cracouiẽ. Auditoribus florentissimâ, Magistris eruditissimâ, Regum immunitatib9 fortunatissima. Nos Collegæ Minores Nobilissimo Heroi, Mecænati & Patrono, meritissimo de Repub. Succamerario Crac, Professores omnium artium & Scientiarum, Supremum amorem, cum gratitudinis affectu, talem cõtestati sumus, qualem ille omnibus argumentis, & viuis indicijs, omnis generis, Conditionis, fortunæ, testari solebat mortalibus. Vtinam diutius, & Collegium Minus suis amplissimis beneficijs obstringeret, & meritis patriam nostram, quam formidolosis & grauib9 pericu-

periculis, & consilio, & sumptu, exornabat  
iuiuaret; Nunquam ad funestam, quam nūc  
luctu prosequimur, deuenissemus orbitatē.  
Sed postquam prudentiā in iudicijs, elo-  
quentiā in Comitjs, robore in bellis, consi-  
lio in publicis politissimorum hominum  
conuentibus, vbique locorum dexteritate  
suā Reipub. Consularet & prouideret, illud  
pectus eruditissimum, & Caput sapientiā  
plenum, non vlla violentia mortalitatis est  
suppressum: Sed in Capitolium Sanctioris  
vitæ, plenum annorum & meritorum ma-  
turityte est translatum. Etenim mors ter-  
minus vitæ, & finis rerum vicissitudini &  
mutationi obnoxiarum, licet suam potenti-  
am in viuo ostendisset, quæ vt tot Cæmete-  
ria Pontificum, tot sepulchra, ac Mausolea  
Regum, tot tumuli Principum, tot busta ci-  
uium testantur, iurisdictionem in mortali-  
tate exerceat, cū Patriæ Ciuem, Virum  
Reipub., Castris Militem, Musis Patronum,  
Ecclesiæ defensorem, Regibus delictum e-  
ripuisset, tamen eius perennem gloriam la-  
bori-



boribus ac sudoribus bellicis acquisitam ac  
propagatam, non potuit eripere, & lucem  
in remotis partibus terræ radiantem non  
valuit obscurare. Viuet hic Heros genere  
inclutissimus, dignitate Succamerarius, of-  
ficio Capitaneus, Viuet, inquam, omnium  
in iucundâ recordatione, eruditorum admi-  
ratione, Patrum Deo consecratorum in sup-  
plicationibus, Viuet in bonis proborum Ci-  
uium desiderijs, doctis Musarum elogijs.  
Cum in eo omnes in hac dignitate constitu-  
to, quam laudabiliter & honorifice gessit,  
exemplar vitæ, prudentiam consilij, suauita-  
tem eloquentiæ, dexteritatem administran-  
darum rerum, celeritatem exequendorum  
negotiorum, diutissimè suspicient & imita-  
buntur. Mihi verò in hac corona florentis-  
sima Nobilium Virorum non dolendū est,  
sed gaudendum, quòd ad eius præclarissi-  
mas virtutes, dotes naturæ & fortunæ exor-  
nandas, parem animi & ingenij facultatem  
afferre non possem. Cum eas ipse in amplis-  
simis Regum Capitolijs, in Subsellijs grauis-

simis iudicium, in Tribunalitiorum iudicio-  
rum Sacrosancta curiâ, non fucatis sed vi-  
vis expressit coloribus. Non ergò tenui &  
mediocri dictione mea, eius amplissimam  
augebo opinionem, qui sua præstantia, &  
honorum dignitate, apud eos qui nec noue-  
rant hominem, maxima probitate vitæ, di-  
gnitatis amplitudine, inclaresceret glorio-  
sissimè. Cùm eius animi sedes & domicili-  
um beatarum mentium est cœlum, ita no-  
minis eius amplissimi, famâ & gloriâ quæ-  
siti & propagati non nisi cœlorum est ambi-  
tus. Quod illi non mobilis aura popularis,  
non eblandita officia, non amicorum stu-  
dia, sed labor militaris, cura pertinax de bo-  
no publico promouendo, augendo, de salu-  
te Ciuium, sedula sollicitudo apud Reges In-  
uictissimos Sigisf. III. & VLADISLAVM  
IV. comparauit. Non aggrediar ergo ieiun-  
us, & infirmus ex Schola & umbra Rhetor  
eum, quem suspensæ imagines, veteris glo-  
riæ & potentiae monumenta exornant, po-  
steritati cōmendare. Sed cum Fabio Max,

Præ-



Præpotenti Deo gratias immensas agere incipiam, qui in funere Scipionis Africani, superis immortales reddebat grates, quòd illum in Repub Rom. nasci voluerint, quòd necesse erat ibi terrarum imperium esse, vbi ille natus fuisset. Ita MARTIANVS CHELSKI in quo Regno natus est, theatrum veræ Nobilitatis, officinâ bellatorum & virtutû omnium Palæstram esse oportuit. Et tamen si ille domo vetustâ, & magnis meritis in Rempub. illustri profectus est, non multum tamen sibi laudis vendicabat ex auorum celebritate gloriari, & facta celebria suorum Patrum, quæ ipse non fecit, vix sua putauit. Iuvenilem ætatem, non in luxu, non in ganeis, non in lustris & popinis, non in voluptatibus, quibus illa lubrica ætas, facilè capi & deliniri solet, sed optimis artibus honestis disciplinis, curauit impendere. Egit primam ætatem in Acad. Crac. in Porticu Sapientum, in Collegio Minori, inter Professores, vbi militare ingenium, Ciuis boni indoles, priscis belli Ducibus, & retroacti sæculi

sæculi Oratoribus gloriam præreptura in  
literarum cultu, & humanitate adoleuit. Ut  
si domi in pace, & otio, Consulendum foret  
Reipub. consuetudini clarorum virorum,  
Studijs vacaret, solertiaque mentis asse-  
queretur, quibus artibus Respub. & simul  
imperia floreant. Adijt illa Gymnasia, quæ  
Doctorum Virorum personabant vocibus,  
frequentauit Lectoria, in quibus futuræ vi-  
tæ præsidia, pietatis & eruditionis hausit  
præcepta. Docti Professores ex eius seduli-  
tate in studijs susceptâ, tanquam Themisto-  
cli, non quid mediocre, sed magnum ali-  
quod bonum allaturum ominabâtur. Non  
fefellit institutionem Academicam Sarmat-  
ticus Themistocles, nec Maiorum suorum  
spem & desideria elusit. Cùm animum su-  
um bonis artibus informâset, & se præsidio  
literarum corroborâset, à literis prima cu-  
ra eius fuit in Reipub. salute defendenda. Vi-  
derunt enim amplissimi Ordines in ætate  
MARTIANI nostri, nondum Consilio, &  
iudicio maturiore corroborata, prope senilē  
matu-



maturitatem, viderunt inter affectuum dis-  
fidentium æstus, insignem moderationem,  
viderunt eam mentis placabilitatem, quæ  
tempestates illas non raro exorientes, habe-  
nis rectæ rationis moderabatur. Et cum nō  
vulgaria prudentiæ suæ in Patria expresisset  
indicia, nomē suum militiæ dedit, ex Philo-  
sophorum vmbraculis ad Solem, ex Gym-  
nasiorum Palæstra, in cruentam arenā Mar-  
tis descendit, vt se totum arctiùs impende-  
ret Reipub, & astringeret impensius chari-  
tati Patriæ, qui ita fuit tyro in militia, qualis  
veteranus & exercitatus in militari discipli-  
na non fuisset. Imitatus est Drusum Tybe-  
rij filium, qui ab in eunte ætate paternā do-  
mo in Illyricum discessit, ne in domesticis  
delicijs pigresceret, aut lasciuijs æqualium  
corrumperetur; sed vt militum beneuolen-  
tiam pararet, bellatorum eximiorum glori-  
am æmularetur, Militaribus laboribus di-  
sciplinæ assuesceret Non dissimili ratione  
MARTIANVS CHELSKI Polonus hic  
Drusus, & inter bellatores bellator præstan-

tissimus, Paternis ac maternis blāditijs spre-  
tis, delicata educatione neglecta, per præ-  
rupta mōtium, per vligines conuallium, per  
fluminum incrementa, per æstus nocituros,  
in Vngariam discessit, extra patriam, vbi e-  
rant hostes aperti Turcæ, infidi amici, igno-  
ti Ciues, timeri poterant, vitæ suæ ac dome-  
sticarum blanditiarum immemor, salutem  
suam alijs fato seruientem, atrocibus præli-  
js, Caput illud, quod consulere debuit patri-  
js negotijs, discrimini multoties Turcam ho-  
stem Christianitatis persequendo, commi-  
sit. Redijt ex Vngaria, non sine præmijs Im-  
peratorum, victorijs illustratus, & laude non  
mediocri insignitus, non tædio aliquo bel-  
lorum deuietus, sed à Ductorib⁹ exercitijs,  
Patriæ spe honorum amplissimorum in Re-  
gno Poloniæ euocatus. Germanicus olim  
à populo Romano ex bello contra Ariminū  
Germaniæ populatorem, vrbium vexatorē,  
feliciter confecto, magna cum lætitia, ingē-  
ti applausu, est receptus victor rediens in  
urbem. Pari ratione nobilium decus M A R-



re-  
ra-  
per  
ros,  
ie-  
no-  
ne-  
em  
eli-  
tri-  
no-  
ni-  
m-  
on  
el-  
tis,  
Re-  
im  
nū  
rē,  
gē-  
in  
R-  
A-  
TIANVS CHEŁMSKI, in patriam reuersus  
est, quem tota Polonia in oculis ferebat, in  
delicijs Rex potētissimus habebat, amplissi-  
mus Senatus in pretio ponebat. Mox Rex  
sapiētissimus in numerum Aulicorum suo-  
rum cooptauit, Vexilliferum qui omnem fi-  
dem Ciuium in hoc florentissimo Regno,  
spem vel opinionem cæterorum longissimè  
superâsse videretur. Qui nouâ lege, insolita  
& in audita argumenta sui muneris reliquit,  
ad defendendam salutem Regis & Patriæ  
integritatem conseruandam, prodigus san-  
guinis & vitæ propriæ, animum inusitato  
more obstringebat, qui cum ferrum contra  
hostes Patriæ acueret, animum simul ad pu-  
gnam accendebat. Nulla ætas, nulla gens,  
nulla eloquentia, feruorem eius pugnandi,  
aut dissimulabit aut pro meritis extollet.  
Citiùs genus hostium, quos ille armis vicit,  
terrore fugauit, consilio dissipauit, celerita-  
te oppressit, quàm ille interibit. Post Va-  
statam Podoliam, post direptum Pocuciū,  
post templa ac delubra Cineribus obruta,

post cruentatum strage & tabo Tartarorum  
simul & Ciuium nostrorum Istrum, Profe-  
ctus est ad Chocimū, per ruinas, ac rudera,  
per fusi sanguinis riuos & deformium rerū  
spectacula. Cedendum esse putans Regiæ  
principumque voluntati, ac communi ne-  
cessitati, sisti quidem suarum victoriarum  
cursum, ac felicitatis filum abrumpi, sed  
gloriæ sibi satis futurum, si patriam trāquil-  
lam florentemq; videret. existimans. Nouū  
bellum à Septemtrione exortum est in Prus-  
sia, quæ, antequam aduenturū hostem Ma-  
ri Balthico crederet, capta est. Tristis erat  
facies Reipub. & plane conclamatae res Pa-  
triæ, cū per Gustaphum Adolphum expi-  
latæ vrbes, sacrilegijs templa defædata, de-  
lubra ruinis & ignibus temerata, cū hostis  
immanissimus, in sanguine ciuium tepefa-  
ctum gladium per Prouinciam & vbertate  
agrorum, & omnium rerum affluentia feli-  
cem vibraret. In tanto terrore MARTIA-  
NVS CHELMSKI tot præliorum victor me-  
tum ac terrorem per Prussiam circumtulit.

Quid

Qui  
lud  
fed  
qu  
An  
chi  
Me  
TIA  
ce  
ctu  
ges  
nal  
Sue  
nis  
to  
est  
pro  
sau  
Ma  
fer  
Vi  
nil  
ex



Quid ad Mariæburgum, propugnaculum illud non viribus humanis, aut arte operosâ, sed ipsâ naturâ vel labore superûm conditû, quod non Africa, non Asia, non exercitus Annibalis, non Pyrrhi legiones, non Antiochi milites, non multitudo Persarum, non Medorum fastus, expugnare valuisset, MARTIANVS CHELMSKI bello victoriosus, pace clarus, gladio formidandus, sago inuictus, toga nemini secundus, quid inquam gesserit, historicorû descriptionibus & annalium veritati relinquo. Vidit & invidit Sudermanus pulcherrima indicia fortitudinis, in corpore laborum patientissimo assueti militiæ, magnam dignitatem admiratus est, in qua certissima prudentiæ signa notis probitatis admixta cernebâtur. Vidit Derlauia animum ad omnia summa paratum, Martis lorica coopertum, & dexteram eius ferro communitam victricem experta est. Vidit Meuum quod MARTIANI gladio, nihil arduum videbatur, ab illo salus amicis, exitium hostibus parabatur. Vidit dum

Machinæ laxarentur, dum tormentorum  
globi emitterentur, dum icti glande pluri-  
mi morentur, à languidis præ dolore vul-  
nerum loca defererentur, in ardore ipso pu-  
gnæ, compositis manibus Cœleste Numē de  
victoria compellare, ad fossas vrbi proxi-  
mas, per cruenta cadauera accurrere, ad cer-  
tamen campestre extegumentis murorum  
hostes, tanquam greges talparum in cauer-  
nis terræ latitantes, prouocare audijt. In v.  
no MARTIANO CHELMSKI, non vna sin-  
gulatim virtus, domicilium sibi collocauit;  
sed ad vnam omnes concurrerunt. Com-  
muni ordine, & quasi lege naturæ sic consti-  
tutum esse comperimus, vt alter in bello fa-  
mam acquirat, in pace alter suum nomen  
obsolescere non permittat. In vroq; excel-  
lens, & in sago & in toga fuit MARTIANVS  
CHELMSKI. Quomodo in toga ex acquisi-  
tis bellorum honoribus claruerit intelliga-  
mus. In Tribunalitio folio Marschalcum  
confidentem, iura & leges discutiētem, pru-  
dentiâ, sua quasi manu versantem Ecclesiæ  
splen



splendorem tot præclarissimis Conatibus  
promouentem intueamur. Nullis rebus sic  
applaudit mortalitas, nihil tanta cum læti-  
tia Celebrat, nihil sic posterorum animis, in  
fixum insidet, vt si quid iustè liberaliter ab  
aliquo in fastigio dignitatis collocato aga-  
tur. Talis enim ab interitu Rempub. ad sa-  
lutem, ex periculis in securitatem, ex turpi  
& fœda ignominia, ad honorificam maie-  
statem restituit. Qui enim leges iustitiæ nō  
obseruat, pietatis iura violat, subiectos re-  
gni perdit, in extremas conijcit miserias, &  
ad deplorandam calamitatem detrudit.  
Quo tempore insolescit superbia, grassatur  
crudelitas, & Tyrannis, quæq; vitiorum  
monstra regna inficiunt & infestant. Non  
sine causa Ægyptij suos Reges omni cultu,  
& plane paterno amore profecuti sunt, ma-  
ioreq; charitate ferebantur in Principes iu-  
stos, & æquos, quam in genuinos filios & v-  
xores charissimas. In MARTIANVM CHELM-  
SCIVM amor erat incredibilis, propter sin-  
gularem eius iustitiam, quam ille ita Sacro-  
fan-

sancte, ita pie ac religiosè coluit & obserua-  
uit, Vt maluerit fortunam bonorum, fauo-  
rem Principum, vitam ipsam pro incolumi-  
tate iustitiæ amittere, quàm leuissimâ  
maculâ splendorē tantæ virtutis offuscare.  
Tanto ardore æquitatem complexus fue-  
rat, vt non solùm eam Marschalcus iudicij  
Tribunalitij fortiter defenderit, sed morte  
& heroico suo sanguine, non ob signare mo-  
do voluerit, sed propagare. Alexander ter-  
ror orbis, & domitor tot regnorum bellico-  
sissimus, potens & inuictus euasit, quod iu-  
stitiæ amans, ita aliorum querelas atq; accu-  
sationes audire est solitus, vt aurem vnâ  
deferenti, alteram defendenti reseruaret. Il-  
lo enim præfidente iudicijs Tribunalitijs,  
non valuit iniquitas, valuit virtus, non læde-  
batur honor cuiusquam, sed extirpabatur  
improbitas, in discrimen & periculum for-  
tunæ & facultates innocentium non voca-  
bantur, sed oppressi ciues aliorum potentia,  
conuicti iniusta iniuria improborum, in  
spem melioris fortunæ erigebantur, recrea-  
ban-



bantur in sua calamitate. Quis legum ob-  
feruantior? quis ipso Sanctior custos? iniu-  
riarū seuerior quis vindex? Non quicquam  
dicendum de seueritate, à iudicio Tribuna-  
litio, non aliter quàm olim à Sacris Eleusi-  
nis, impij, nefarij, iniusti, voce præconis sub-  
mouebantur, arcebantur corruptores cau-  
sarum, ejiciebantur præuaricatores legum,  
exterminabantur pestes Reip. & iudicum,  
adulatores, versutijs instructi causidici à sub-  
sellijs tanquam pondus inutile aëris abalie-  
nabantur. Tanta talisq; fuit in MARTIA-  
NO CHELMSKI iustitia, eius celebritatem  
nominis fama per omnes partes orbis dis-  
seminauit, vt nullus fuerit oppressorum, qui  
eius iustitiam ignorauerit, nullus ad leges  
natus reperiatur qui illius legū interpre-  
tationem nō approbaret. Singula memora-  
re non vacat, à iustitiæ claritate ad munifi-  
centiæ laudem, tandem aliquando descen-  
damus, quoniam eo nos quasi fortuitus qui-  
dam sed tamen commodus Orationis im-  
petus deduxit. Post iustitiam propria illi fu-

C

it libe

it liberalitas, hospita eius, & domestica, domi, foris, apud suos, externos, etiam apud hostes. Quid ille ad Ecclesiæ splendorem, templorumq; ornamentum, puri auri, coelati argenti non contulit, monilia gemmea, peristromata sericea, inauratas vestes, in quibus præter adamantes gëmæ intertextæ ad vsum sacrorum conficiebat, diuorumq; templis consecrabat, Orphanorum, Viduarum, & aliorum pauperum indigētiae succurrebat. Non possum includere iuuenili Oratione vnica, illam liberalitatem, qua ipsum Augustum Cæsarem si non superare at adæquare videtur, qui militem donis, populum annonâ, omnes otij dulcedine in amorem sui pellexit. MARTIANVS CHELMSKI nouo genere beneficij musas Academicas, Collegium minus & in amorem, & in perpetuæ gratitudinis affectum attraxit. Quis auditus Principum qui collegij Minoris Professoribus, qui exiguo peculio viuunt, grauissimos labores, in sua mediocritate fortunæ, in vsum Reipub. ad incrementum Eccle-



Ecclesiæ sustinent & perferunt, amplissimā  
Bibliothecam legaret. Munificentissimus  
& doctissimus MARTIANVS CHELSKI  
legauit. O Patronum eximium, non in Se-  
ptemtrione natum, sed cœlo datum firmiter  
credimus. O liberalem Mecænatem, non  
Regibus, sed diuinis ipsis Heroibus compa-  
randum, non calamis, non coloribus orato-  
rum exornandum, sed aureis verbis deco-  
randum. Quanto magis Hadrianus Impe-  
rator, Diris, Furijs est deuouendus, qui ob-  
struxit venas fatidicas Castalij fontis, saxo-  
rum ingenti mole, ne vt ipse se imperati-  
um præcinentibus aquis cōpererat, etiam  
alij similia docerētur. Tantò magis ad cœ-  
lum est euehendus CHELSKI, qui Collegij  
Minoris dilatauit flumina librorum ingenti  
numero, vt ipse cum honore in Repub. se vi-  
xisse cognouerat, ex institutione Academi-  
ca ita etiam his gradibus ad dignitatum fa-  
stigia voluit erudiri posteros. Hanc virtu-  
tem, cū officio gratitudinis MARTIANO  
CHELSKI rependunt, illum non modo  
cele-



celebrem iudicant, sed quod gratiorem.  
Collegium Minus non habuerit, nec sol a-  
spexerit sibi benigniorem Mecænatem sum-  
mis elogijs deprædicant. Deumque precan-  
tur ore, animis, qui tanta cum Sanctitate vi-  
xit, vt æternum viuat, quem semper in hac  
mortalitate viuere optabant, in illo immor-  
talitatis Capitolio æuo sempiterno perfrua-  
tur. Quem amor in Minus Collegium sedi-  
bus beatarum mentium inseruit, eum inter  
præclarissima Regum facinora terris, atq;  
posteritati consequenti immouantibus sæcu-  
lis redonet. Non magnopere hic opus est  
meo præconio, cum recens acceptorum be-  
neficiorum memoria viuit, viuetq; in animis  
Professorum, vt pro me hæc ipsa liberalitas  
non modo in Coll. Minus sed pæne quam  
longe lateq; patet regnum Poloniæ effu-  
sa loquetur, & in omnem quoq; de-  
inceps æternitatem locu-  
tura videbitur.

DIXI.



*B. 1. 11*



m.  
ol a-  
um.  
can-  
e vi-  
hac  
nor-  
rua-  
edi-  
nter  
atq;  
ecu-  
s est  
a be-  
mis  
litas  
iam  
fu-

EX  
ED  
UNW  
ED  
ED  
ED



